

112 年全國語文競賽原住民族語朗讀 【秀姑巒阿美語】 國中學生組 編號 3 號

Pakacitingsiya(Pakakoliciw)

Yo kaemang ho^ kako, ira ko **mato kalangay** a paliding ako, o
cacokerohen no mako minanam a romakat; mafana' to kako a romakat i, o
toloay to a moli^ ko paliding ako. Mato'as mato:'as to kako i, itiya i
kasofocan ako a romi'ad, cakayananan no mama^ **ako kako to citiliday to**
maloloay a citingsiya^, lo:wi' sa kako a lipahak, nawhani cipaliding to kako
to no tirengan. **Ona citingsiya^**, o 'icel no **tireng** ko sapiparakat, o wa'ay ko
sapicokay ta maringer ko moli^. Ano talacowacowa^ to a **miholol i**, caay
papidaen, malo sapiyatayat to tatirengan a miondo^. O **roma^** sato, ano
mimaamaan to haw i, caloway to kako a talacowacowa^, saka tadamao:lah
kako toya citingsiya^.

Maharate:ng ho^ no mako ko itiya:ay **ho^** a demak, yo mihetatanam
kako a minanam pakacitingsiya^ i, damaen no mama^ ako kako i kaikor,
sawal sa ciira, “ Repeten ko handolo^, cokayen to saripa' ko pawa'ayan, aka
pasalaeno^ a minengneng, 'arawen ko 'a'ayaw. ” saan. **So'elinay, miparakat**
sato kako i lalan, caka:t epo:d caka:t epo:d sa kako, hanihani^ masatoko^,
hanihani^ miparakat, kinapinapi:na^ a misatiyotiyol a minanam. Halafin
hala:fin to i, sawad hato no mama^ ako ko kamay niira, mato mafana'ay to

kako sa ko harateng ako, saka maraay mara:ay to ko nipiparakat no mako,
salipahak sa kako. Namati:ra i, aya aya samaanen ko **piliyas?** Aya aya
samaanen ka epod? Orasaka, itira haca^ kako a motolo'. Kirami, سوال sa **ci**
ko mama^ ako i takowan, aka ka talaw a matolo', o sakafana' no miso ko
nikatolo' saan. So'elinay kinacecay a matolo' i, kinacecay a matongal ko
fana' ako, manina' ako ko sakafana' a pakacitingsiya^.

Tomatira makakaletto^ **kako ato idang** a pakacitingsiya^ a miholol, ano
eca^, miyatayat to tatirengan. Tomatira **i lalan**, malalifet kami **a misatahenay**
a parakat to citingsiya^. Tomatira, misawad **to kamay a mirepet to** handolo^,
milawla^ a pakatawatawa^. O ma'araway **i fatad** no lalan i, saheto^ o
pinaloma^, **ato kilakilang**, ato saepi'ay a fali^, itira mapawan ko
masamaamaanay a roray, awaay ko kihar a ma'orip to romi'ami'ad. **Kirami,**
maharateng konini i, ma'ilol mangalay a patiko^ to itiya:ay ho^ a 'orip.

Maolah kako toya citingsiya^ ako. Ano paka'araw kako to
pakacitingsiyaay a tamdaw i, maharateng to ako koya i 'aya:way a 'orip ako,
caay ka tawal ako tahanini^.

騎腳踏車

小時候為了學走路，有一台螃蟹車，學會走路以後，換成一輛三輪車，隨著年齡的增長，某年生日爸爸送我一台紫色腳踏車，我終於有自己的腳踏車了。

初學腳踏車時，爸爸扶著後座，我手扶好龍頭，腳踩踏板，眼睛看著前面。反覆練習多少次，爸爸放開雙手，我把握到平衡的要領，愈騎愈穩，高興之時發現我還不會轉彎，也不知怎麼下車，就摔車倒地。爸爸說學騎車不要怕摔，摔幾次就會騎了，每次跌倒就能領悟到一些訣竅、技巧。

我們常約好友出遊，相互競速，也會放開雙手展現技術。看著沿途的美麗景致，讓我忘掉一切煩惱，真想讓時光永遠停留在這一刻。

我好喜歡我的腳踏車。每當想起往日騎車追風，奔馳在步道上的情景，真叫人難忘，點點滴滴，歷歷在目。